

# Baez Vueddoengh Bangaep Nanzlumz Ndeu

Banringzgvaq ndit ndatgyanggyang, gou caeuq doengzhag caez bae yinzminz giyen. Gwnz loh dou youh gangj youh riu angq raixcaix, dou couh yaek hwnj aen daizheiq Cietheiq “Vamoiz Iq” Gaiq Daih–it yienjheiq lo.

Byaij haeuj yinzminz giyen, dou daengx bouxyienj heiqgobwnj 《Boux Mizyinx Suh Dunghboh》 haenx cungj youq baihlaeng daizheiq caj, dou cungj miz di simgaenj caeuq youheiq. Gou daj baihlaeng baengzmuq laeglemx iet gyaauj yawjyawj laj daizheiq, raen bouxyawj baenz benq ndaemndi–ndi.

“Daihgya hwnj daiz ra ndei aen diegvih cungq–gyang, haeujsim byaujcingz swheij!” Ciz lauxsae riu dwk gujli dou. Gou haenqrengz sup gaemz heiq ndeu, sim menhmenh dingh roengzdaeuj.

Yinhyoz baez yienj, dah doengzhag mbwk Cinz Singhyij yienj aen gieksaek ceiq youqgaenj haenx yaemq din mbaeu sien hwnjdaiz.

“Yijvwnz ha, dwg hongdawz ……” De meizda ndiengq doxhwnj, aenbak baenz diuz sienq van ndei yawj ndeu.

“Yijvwnz ha, hix dwg aengiuz ……” Gou couh



riengz laeng de gangj, aen gingdouz boux sezyingjsw hix ciuq coh dou, gou hix riu ndaej engq ndei yawj!

“Danghnaeuz raeuz yaek naeuz boux vunz ndeu gig siengsim, aiq yungh gij swzyij lawz ne?” Bouxgapdoq Sunh Yuihanz nyaueq bwnda dwk cam.

“Daep saej goenq cieq, daej mbouj ok sing……” Cwnz Singhyij ga dog gvih roengz, goemq aennaj, lumjnaeuz ndaw sim miz

haujlai hojnanz.

Gyoengq doengzhag biujyienj doxciep gig ndei, seiz dou caezsing gangj ok “Suh Dunghboh”, aen gieksaek ceiq youqgaenj bouxsai Suh Dunghboh youz Cuh Bozyenj yienj haenx cingsaenz gvaekgvaek hwnjdaiz lo. De ndang daenj buhbauz raez hau, daenj mauh ndaem. “Ai yaya, suenqsuenq ndwen–ngoenz, hix wnggai gwn byahozdunz la.” De vad genbuh, cwxcaih dangqmaz.

Dou baez hob fwngz, coh Dunghboh sienseng gungjhwet baez ndeu: “Baiqraen Dunghboh sien–seng!”

Riengz muq heiq ciengz ceiq doeklaeng yienj sat, laj daizheiq yienj sing bek fwngz caeuq sing angghemq lumj byajraez nei. Ciz lauxsae youq henz muq riu mbouj haep bak, yingx lwgfwngzmeh, gwnz naj gyoengq doengzhag engq dwg miz riu youh gagsaengq.

Neix mbouj dan dwg gij angqvau baenzgoeng, engq dwg liglien majhung, hix dwg gij ndaejgeiq ceiq dijbauj ceiq nanzlumz duhgou.

(Cangh Yajsenh raiz / Lingz Hinghningz hoiz)

## Haenx Itdingh Gig Ndei

Gorangz deng namh homx maenhwdwd, de mbouj ndaej mbouj dawz ndangdae suk baenz ndaek ndeu. “Neix caen dwgrengz.” Gorangz naemj, gou itdingh aeu ndwn hwnjdaeuj, hai bak hung diem heiq singisien, yienghhaenx itdingh gig ndei! Gorangz itmienh naemj, itmienh roengzrengz maj. Gvaq mbouj geij nanz, de maj ok rag raez caeuq song mbaw faex iq, con ok namh daeuj, ndwn youq laj ndit raeujrub.

Haujlai bi gvaqbae lo, gorangz bienqbaenz go faexcuk hung sang ndeu.

De ndaej yawj daengz gij deihfueng gig gyaee gig gyaee, yawjraen aen huz iq sawndik raen daej haenx, duzbya youq ndaw raemx youz bae youz dauq. Gocuk hozhaenz lai lo, sim siengj: Danghnaeuz guh diuz faexcuk rox youz raemx ndeu, itdingh gig ndei!

Ngoenz ndeu, miz bouxguhnaz ndeu aemq fagfouj daeuj daengz ndaw ndoeng faexcuk, faexcuk angq raixcaix, couh vad fwngz coh bouxguhnaz, de yaek heuh bouxhaenz daiq de bae ra saedcej moq. Bouxguhnaz raemj gocuk roengz, gwed ma ranz, dawz de guhbaenz aen saz ndeu.

Bouxguhnaz cungj dwg ndwn youq gwnz saz, aeu gaiqcauh vaij bae vaij dauq. Mwh de vaij vaiq, aensaz roxnyinh swheij couh dwg ndaej youzraemx, caen dwg cwxcaih raixcaix!

Aensaz fugsae h bouxguhnaz haujlai bi, ciemhciemh bienq geq lo, mwh youzraemx, mizmbangj deihfueng couh haeuj raemx lo. “Danghnaeuz gou ndaej yietnaiq, haenx itdingh gig ndei.” Aensaz itmienh naemj, itmienh haenqrengz youz bae youz dauq.

Gvaq mbouj geij nanz, bouxguhnaz couh cek aensaz lo,

dawz de guh baenz aen eijcuk ndeu.


Aen eijcuk baez yungh youh dwg haujlai bi, de yied daeuj yied roxnyinh swheij naenghsoh seiz gig dwgrengz, daengx ndang cungj in raixcaix. “Danghnaeuz gou ndaej raeujrub bouxwnq, haenx itdingh gig ndei.” Eijcuk muengh–yawj gwnzmbwn, ngaemgyaeuj ngeix.

Seizdoeng daeuj lo, boux–guhnaz cek aen eijcuk vaih bae lo,

dangq fwnz coemh, eijcuk ndaej hawj ranz bouxguhnaz raeuj baenz hwnz.

Ngoenz daihngaih, boux–guhnaz dawz gij daeuh faexcuk dauj haeuj ndaw ndoeng faexcuk bae, gorangz sup aeu gij yingzyangj daeuh faexcuk. Daengzcog mbouj geij nanz, youh miz go faexcuk ndeu lo!

(Vangz Sinyui raiz / Veiz Gij–cwngz hoiz)



## Ra Gingqda

Banhaet, gou cingq vuenh haiz, caepcawq bae ranzhag. Daxmeh buet gvaqdaeuj, naj ndingcik, gip dwk cam: “Linzlinz, raen aen gingqda gou lwi?”

“Daxmeh, mbouj raen!” Gou doq vuenh haiz doq naeuz.

“Aiya, gingqda gou daengz gizlawz bae la?” Daxmeh yawj ranzding yawj bae yawj dauq, mbouj rox baenzlawz guh cij ndei.

Gou yawj le yawj cung, gaenq caet diemj sameib faen lo! Gou gaeu gaeu gyaauj, coi de: “Vaiq di, cungj

yaek daengzgvaiz lo!”

Daxmeh youh gaenjgip buet haeuj ndaw rugsaw bae. Gou ganjgaenj duet haiz, buet haeuj ndaw rug daxmeh bae, bienj hwnj aen swiz, mbouj miz gingqda; raghai aen gvihgyaeujmbonq, hix mbouj miz gingqda!

Gou buet daengz veiswngghen, gwnz daiz swiqnaj mbouj miz, gwnz gaq cuengq doxgaiq laeng dou hix mbouj miz.

Youq mwh gou gipgip muengzmuengz buet ok veiswngghen, simdiuq lumjnaeuz gaenq gyavaiq lo. Gou buet daengz gwnz yangzdaiz, raghai aen fa sijyihgih, youq baenz dong buh luenhyagyag de luenh fan, ciuqyiengh mbouj raen gingqda.

Seizneix, gou najnding liux, gip dwk caemqdin. Gou ngiengx gyaauj yawj le yawj cung, gaenq caet diemj seiq–cib lo, cij lw ngeihcib faen cung lo! Gou simgip ngeix daengz: Lij miz aen rug lawz caengz ra?

“Linzlinz, ra ndaej gingqda luma?” Daxmeh youq ranzsaeuq hemq naeuz.

“Mboujcaengz!” Gou uet hanh, naeuz: “Bae ba, gaej ra lo, gou yaek daengzgvaiz lo!” Gwnz bak gou yienghneix gangj, lwgda cix mbouj gamsim youq ndaw ding ra bae ra dauq. Mbouj miz gingqda, daxmeh baenzlawz hai ci soengq gou ha!

Sawqmwh, youq caengz laj aen congz iq bakdou, fouq gingqda ndaem ndeu cingq dinghdingh ninz gwnz de, gig angjda. Gou angqvauvau buet gvaqbae, mbat gaem gingqda hwnjdaeuj, sing hung hemq naeuz: “Dauqdae ra ndaej lo!” Gou najrongh dwk yienh gingqda hawj daxmeh.

“Linzlinz, mwngz goenglauz hung bw!” Daxmeh buet gvaqdaeuj, sim ’angq dwk dawz gingqda.

Caet diemj haj cib faen, dou vaiqdangq hwnjloh.

(Cinz Haulinz raiz / Lij Lungzfangh hoiz)